



TENGGU Abdullah menyaksikan pertukaran memorandum persefahaman antara Naib Canselor Universiti Malaysia Pahang (UMP), Profesor Datuk Dr Daing Nasir Ibrahim (kanan) dengan Pengarah JAIP, Datuk Mohamad Noor Abdul Rani (kiri).

HARIAN METRO (SETEMPAT) 21/5 m/s 52

Beri peluang imam, siak lanjut pengajian

Kuantan: Pihak pengurusan masjid di negeri ini termasuk imam, siak dan bilal digalakkan menyambung pengajian bagi memantapkan lagi institusi itu.

Tengku Mahkota Pahang Tengku Abdullah Sultan Ahmad Shah berkata, golongan terbabit yang ingin melanjutkan pengajian ke peringkat diploma atau ijazah perlu diberi peluang sebagai usaha memantapkan pegawai yang menguruskan masjid.

“Majlis Ugama Islam dan Adat Resam Melayu Pahang (MUIP) serta Jabatan Agama Islam Pahang (JAIP) perlu

mencari pendekatan terbaik dengan membuat kajian mengenai cadangan ini supaya pengurusan masjid bergerak pada tahap sepatutnya.

“MUIP dan JAIP harus memberi peluang atau menggalakkan pegawai masjid untuk melanjutkan pelajaran bagi memantapkan pengurusan masjid.

“Usia bukan penghalang untuk terus belajar supaya manfaatnya dapat dinikmati umat Islam,” katanya dalam Majlis Perasmian Ijtimak Program Masjid Gemilang Pahang di Universiti Malaysia Pahang (UMP), di sini, semalam.